

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 065-0-Su-26-000588
Sarajevo, 24.03.2026. godine

Na osnovu čl. 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj: 38/05, 22/06, 63/10, 72/10, 7/13, 52/14 i 85/21) i člana 8. st. 1. Pravilnika o unutrašnjem sudskom poslovanju („Službeni glasnik BiH“, broj: 66/12, 40/14, 54/17, 60/17, 30/18 i 83/2022, u skladu sa odredbama čl. 68. Zakona o zaštiti ličnih podataka (Sl.gl. BiH br. 12/25) predsjednik Općinskog suda u Sarajevu, dana 24.03.2026. godine, donosi

PRAVILA PRIVATNOSTI

Cilj pravila privatnosti Općinskog suda u Sarajevu (u daljem tekstu: Sud) je da u skladu sa članom 68. Zakona o zaštiti ličnih podataka (u daljem tekstu: Zakon), svim licima čije lične podatke Sud obrađuje u okviru postupaka koje provodi, uz izuzetke propisane posebnim zakonom, pruži informacije o obradi njihovih ličnih podataka na transparentan način.

Pravila privatnosti se primjenjuju na sve lične podatke koje sud prikuplja, upotrebljava ili na drugi način obrađuje, direktno ili putem drugih kontrolora. Prema Zakonu, dole navedeni pojmovi imaju sljedeće značenje:

Lični podatak je svaki podatak koji se odnosi na fizičko lice čiji je identitet utvrđen ili se može utvrditi.

Obrada ličnih podataka je svaki postupak ili skup postupaka koji se obavlja na ličnim podacima ili skupovima ličnih podataka, automatizovanim ili neautomatizovanim sredstvima kao što su prikupljanje, evidentiranje, organizacija, strukturiranje, čuvanje, prilagođavanje ili izmjena, pronalaženje, ostvarivanje uvida, upotreba, otkrivanje prenosom, širenjem ili stavljanjem na raspolaganje na drugi način, usklađivanje ili kombinovanje, ograničenje, brisanje ili uništavanje.

Kontrolor podataka je fizičko ili pravno lice, javni organ ili nadležni organ koji samostalno ili s drugim određuje svrhe i sredstva obrade ličnih podataka.

Nadležni organ je organ koji je nadležan za sprečavanje, istragu i otkrivanje krivičnih djela, gonjenje učinilaca krivičnih djela ili izvršenje krivičnih sankcija, uključujući i zaštitu i sprečavanje prijetnji javnoj sigurnosti, kao i pravna lica ako su zakonom ovlaštena za obavljanje ovih poslova kao posebna kategorija.

1. Podaci o kontroloru podataka

Općinski sud u Sarajevu, Šenoina 1, 71000 Sarajevo

Tel: +387 33 567-700

Faks: : +387 33 227-148

Službenik za zaštitu ličnih podataka

e-mail: szlp@oss.ba

Tel: +387 33 567 716

2. Pravni osnov i svrha obrade ličnih podataka

Lične podatke Sud obrađuje u skladu sa Zakonom, a na osnovu nadležnosti i ovlaštenja utvrđenih Zakonom o sudovima u Federaciji BiH. Navedene nadležnosti i ovlaštenja uključuju nadležnost suda:

1. U krivičnim predmetima:

- a) da u prvom stepenu sudi:
 - za krivična djela za koja je zakonom propisana kao glavna kazna novčana kazna ili kazna zatvora do 10 godina, ako posebnim zakonom nije određena nadležnost drugog suda;
 - za krivična djela za koja je posebnim zakonom određena nadležnost općinskog suda;
 - za krivična djela za koja je Sud Bosne i Hercegovine prenio nadležnost na općinski sud;
 - u svim krivičnim postupcima protiv maloljetnika;
- b) da postupa tokom istrage i nakon podizanja optužnice u skladu sa zakonom;
- c) da odlučuje o vanrednim pravnim lijekovima kad je to zakonom predviđeno;
- d) da odlučuje o brisanju osude i prestanku mjera sigurnosti i pravnih posljedica osude, na osnovu sudske odluke i
- e) da postupa po molbama za pomilovanje u skladu sa zakonom.

2. U građanskim predmetima da u prvom stepenu sudi:

- a) u svim građanskim sporovima i
- b) u vanparničnom postupku.

3. U privrednim predmetima u prvom stepenu sudi:

- a) u sporovima koji se odnose na prava i obaveze po osnovu pravnog prometa roba, usluga, vrijednosnih papira, vlasničkih i drugih stvarnih prava na nekretninama, te na prava i obaveze proistekle iz vrijednosnih papira u kojima su obje stranke u postupku pravno lice ili fizičko lice koje, u svojstvu samostalnog poduzetnika ili u drugom svojstvu, obavlja privrednu ili drugu registriranu djelatnost u vidu osnovnog ili dopunskog zanimanja;
- b) u sporovima koji se odnose na brodove i na plovidbu na moru i unutrašnjim vodama, te u sporovima na koje se primjenjuje plovidbeno pravo, osim sporova o prijevozu putnika;
- c) u sporovima koji se odnose na avione, te u sporovima na koje se primjenjuje vazduhoplovno pravo, osim sporova o prijevozu putnika;
- d) sporove iz autorskog prava, srodnih prava i prava industrijske svojine;
- e) sporove nastale povodom djela za koja se tvrdi da predstavljaju nelojalnu konkurenciju ili monopolistički sporazum;
- f) privredne prijestupe i
- g) u postupku stečaja i likvidacije, u skladu sa zakonom, kao i u svim sporovima koji nastanu u toku i povodom provođenja postupka stečaja i likvidacije.

4. U drugim predmetima:

- a) da vodi izvršni postupak, ako zakonom nije drugačije određeno;
- b) da određuje mjere osiguranja, ako zakonom nije drugačije određeno;
- c) da rješava u posebnim postupcima, ako zakonom nije drugačije određeno;
- d) da obavlja zemljišno-knjižne poslove u skladu sa zakonom;
- e) da pruža pravnu pomoć sudovima u Bosni i Hercegovini;
- f) da vrši poslove međunarodne pravne pomoći, ako zakonom nije određeno da neke od tih poslova vrši kantonalni sud;

- g) da vrši poslove upisa u registre pravnih lica i
- h) da vrši druge poslove određene zakonom.

Općinski sud u Kantonu Sarajevo je Općinski sud u Sarajevu za područje općina: Stari Grad Sarajevo, Centar Sarajevo, Novo Sarajevo, Novi Grad Sarajevo, Ilijaš, Vogošća, Hadžići, Ilidža i Trnovo.

Lične podatke Sud obrađuje u svrhu zakonitog, pravilnog i efikasnog obavljanja poslova iz nadležnosti suda. Pored obrade ličnih podataka radi vođenja sudskih postupaka u svim vrstama predmete u kojima Sud ima zakonsku nadležnost, obrada ličnih podataka vrši se i u svrhu vođenja sudskih evidencija i upisnika, ostvarivanja prava stranaka, zapošljavanja, komunikacije sa strankama, saradnje sa pravosudnim i drugim institucijama, te nadležnim organima, kao i radi izvršavanja zakonskih obaveza suda u pogledu izvještavanja, statistike, arhiviranja sudskih spisa. Temeljem zaštite legitimnih interesa, Sud može obrađivati lične podatke – evidentiranje ulaska i izlaska u zgradu Suda i provođenje video-nadzora objekta. Obrada ličnih podataka vrši se isključivo u obimu koji je nužan za ostvarivanje navedene svrhe, uz primjenu principa obrade ličnih podataka u skladu sa čl. 7. Zakona.

3. Period čuvanja ličnih podataka

Lične podatke Sud obrađuje u periodu koji je potreban da se ispuni svrha njihove obrade. Nakon prestanka svrhe u koju su prikupljeni, lični podaci se više ne koriste, ali se čuvaju u arhivi onoliko vremena koliko obavezuju zakonski propisi o arhivskoj građi.

4. Tehničke i organizacione mjere zaštite ličnih podataka

Lične podatke Sud obrađuje na način kojim se obezbjeđuje odgovarajuća bezbjednost i povjerljivost, kao i odgovarajuća primjena principa zakonite obrade ličnih podataka, te smanjenje količine ličnih podataka po principu neophodnosti.

Preduzete su fizičke, tehničke i organizacione mjere zaštite ličnih podataka. Zaposleni koji se u radu pristupaju ličnim podacima potpisali su izjave o povjerljivosti ličnih podataka kojim pristupaju.

5. Prava lica u vezi sa obradom ličnih podataka

Prava lica u vezi sa obradom ličnih podataka, uz izuzetke propisane posebnim zakonom su:

- pravo na pristup svojim ličnim podacima;
- pravo na ispravku ličnih podataka;
- pravo na brisanje ličnih podataka i
- pravo na prigovor.

Zahtjev za ostvarivanje prava podnosi se Sudu pismeno ili elektronskom poštom na adresu szlp@oss.ba. Ukoliko je lice čiji se lični podaci obrađuju nezadovoljno postupanjem Suda, a obrada podatak se ne vrši u okviru sudske nadležnosti, može se obratiti nadležnom nadzornom organu Agenciji za zaštitu ličnih podataka www.azlp.ba ili tužbom nadležnom sudu.

6. Prenos ličnih podataka drugim kontrolorima podataka, prenos ličnih podataka u inostranstvo

Lične podatke Sud može dati drugim kontrolorima ukoliko je to potrebno za izvršavanje zakonom propisanih obaveza. Također, podatke Sud neće prenositi drugim kontrolorima u inostranstvu, osim ukoliko takva obrada nije neophodna na osnovu zakona ili međunarodnog ugovora koji ga obavezuje.

Lične podatke Sud daje pružaocima informatičko-komunikacionih usluga s kojima je zaključio ugovor i koji poštuju pravila postupanja s ličnim podacima.


7. Korištenje kolačića i objave sadržaja na web stranici

Objavljivanje sudskih odluka/presuda i informativnog sadržaja na web stranici Suda vršit će se u skladu sa važećim propisima, poštujući princip transparentnosti rada sudova, uzimajući u obzir javni interes, pravo na zaštitu privatnosti i zaštitu ličnih podataka, te zaštitu interesa maloljetnika, svjedoka i oštećenog.

Na službenoj web stranici suda koriste se obavezni, odnosno tehnički kolačići (engl. Cookies) - datoteke koje omogućavaju ispravan rad internet stranice, te za njihovo korištenje ne treba saglasnost posjetitelja stranice. Obavezni kolačići ne pohranjuju nikakve informacije koje mogu identifikovati posjetitelja stranice.

8. Promjena Pravila privatnosti

Sud će redovno ažurirati Pravila privatnosti u slučaju promjena istih.



PREDSJEDNIK SUDA
Damir Batotić

